

আমাদের প্রত্যেকের জীবনেই নানান সুখ দুঃখের আনাগোনা লেগেই থাকে কিন্তু জীবনে যদি একজনও প্রকৃত বন্ধু থাকে তাহলে জীবন কত সহজ ও সুন্দর মনে হয়। তাই আমার এই কবিতা আমার জীবনের সেই সব বন্ধুদের জন্য যারা সবসময় আমার পাশে থেকে আমার সব সুখ দুঃখ একসাথে ভাগ করে নিয়েছে যাদের আমি জীবনের শেষ মুহূর্ত পর্যন্ত হারাতে চাইনা।

প্রিয় বন্ধু

বন্ধু মানে একটু আদর, একটু ভালোবাসা;
বন্ধু মানে দুঃ-সময়ে একটু কাছে আসা।
বন্ধু মানে অন্ধকারে একটুখানি আলো,
বন্ধু মানে দুর্দিনেতে পাশে থাকা ভালো।।

বন্ধু মানে সবার মাঝে বিশেষ করে জানা,
বন্ধু মানে দুখের মাঝে সুখের আভাস আনা।
বন্ধু মানে শুষ্ক মনে একটুখানি বৃষ্টি-
বন্ধু মানে সবসময় নব নব সৃষ্টি।।

বন্ধু মানে নতুন জীবন শুষ্ক মরু মাঝে,
বন্ধু মানে মৃত্যুপথেও থাকবে তোমার কাছে।
বন্ধু মানে একঘেয়েমিতে মন ভোলানো গাঁথা,
বন্ধু মানে সৃষ্টি করা নতুন নতুন ধাঁধা।।

বন্ধু মানে রেষ্টোরাঁতে জমিয়ে আড্ডা দেওয়া,
বন্ধু মানে দূরে থেকেও আপন করে নেওয়া।
বন্ধু মানে একলা রাতে নিঃস্বার্থ সঙ্গ;
বন্ধু মানে সাজাগোজার নতুন নতুন রঙ্গ।।

বন্ধু মানে সকল সমস্যার আছে সমাধান,
বন্ধু মানে নতুন নতুন শব্দের অভিধান।
বন্ধু মানে সবার শেষে একটি শুভ সমাপ্তি
বন্ধু মানে হৃদয় জুড়ে থাকবে যাহার ব্যাপ্তি।।

বন্ধু নামটা মনের মধ্যে আজো যখন আসে,
এসব কথাই মনের মধ্যে আজো কেবল ভাসে।
এমন কোনো বন্ধু কি আজো কোথাও আছে?
স্বার্থের কথা যে ভুলে যায় বন্ধুকে ভালোবাসে।।

....রূপালজলি সাহা